

Insel Air Aruba ta celebra nan Inauguracion oficial



Insel Air Aruba a bira un realidad



Inauguracion oficial di Insel Air Aruba



Ehecutivonan di Insel Air Aruba y Corsou

ORANJESTAD – Pa mas cu un aña y mei InselAir ta trahando pa realisa un compania nobo di aerolina na Aruba cu meta pa promove turismo pa Aruba door di bula destinacionnan nobo. Asina ki diamars anochi, den un

celebracion na nan oficianan na Wayaka, a oficialmente inaugura Insel Air Aruba. Minister di Turismo Sr. Otmar Oduber a hiba palabra gradiciendo Insel Air Aruba den nomber Gobierno di Aruba pa nan confiansa den

nos comercio aereo. “Despues di un relacion sumamente respetuoso nos por a yega na e punto cu awe nochi nos ta celebra e momento historico cu Insel Air Aruba ta bira un compania local, ta establece su mes na Aruba, creando oportunidadnan nobo di labor pa Aruba y cu lo expande den e añanan nos dilanti,” Minister a bisa.

Minister a gradici Director di Insel Air Aruba Sr. Fredrick Nuboer y henter su staff y personal como tambe Sr. Edward Heerenveen, Vice Presidente y Gerente di Asuntunan Internacional y a deseanan hopi exito.

“Den e ultimo 15 lunanan nos a entrena 9 piloto 15 cabin crew y 18 passenger handlers y nos a sigui cursonan hunto, semper cu coleganan di Corsou den nos banda. Nos ta dichoso di por tin Insel Air Corsou como nos ruman compania di aviacion,” Sr. Fredrick Nuboer a bisa.

InselAir a scohe pa algun ruta cual ainda no ta wordo opera door di otro aerolineanan Arubano. Y asina nan lo concentra riba cuidad nan manera Manaus, Brazilia, Guayaquil, Medellin, Valencia. Teniendo na cuenta cu durante e crecemento di e aerolinea e cantidad di destinacionnan internacional lo yega sigur na un total di 15. E aerolinea aki tambe lo tin e funcion importante pa transporta pasaheronan di nan code share y interline partnernan Europeo, Caribense y Mericano caminda Aruba lo bai fungi como un hub internacional. □



Minister di Turismo Sr. Otmar Oduber y Director di Insel Air Aruba Sr. Fredrick Nuboer



Minister Otmar Oduber y Vice Presidente di Parlamento Chris Dammers



Parlamentario Rene Herd tambe tabata presente na e inauguracion di Insel Air.